



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Edita.

**urn:nbn:de:hbz:466:1-11399**

Quæ ad hæc Clericorum constitutiones generatim pertinent.

**H**æ constitutiones ad clericos pertinentes, semel vt minimum singulis mensibus in triclinio legantur: quibus, sicut & cæteris omnibus, quæ a Re-  
gore præcipiuntur, obediens erunt;

ab eoque vel a Ministro impostas penas promptè subibunt.

Illud quæ omnes meminerint, nisi bene ac religiosè se gesserint, fore vt eijciantur è Seminario; atque compellatur sponfor, vt totum id deponat, quod pro illis sponderit.

T A B V L A  
ARCHIEPISCOPORVM  
SANCTAE ECCLESIAE  
MEDIOLANENSIS.

Ex Decreto Concilij Prouincialis IIII.

E D I T A.

1 S.

**B**

arnabas Aposto-  
lus, Cyprius, Ro-  
mæ primùm fidè  
prædicauit, dein  
de Mediolanen-  
sem Ecclesiã in-  
stituit: in qua epi-

scopus sedit annos v i i. Inde Bergamo-  
mum, & Brixiam profectus; hic Nar-  
num, illic Anatolium episcopum reli-  
quit.

2 S. Anatolius, beati Barnabæ Apo-  
stoli discipulus, Græcus, Cyprius, sedit  
annos x. Lino Pont. Mediolano ab Apo-  
stolo Barnaba Brixiam euocatus, ob fi-  
dem in ea vrbe conitanter multa per-  
pessus, in Domino obiit septimo calen-  
das Octobris. Quem diem eius natalè  
ecclesia Mediolanensis officio precum so-  
lenni colit.

3 S. Caius Sergius, Romanus, sancti  
Barnabæ Apostoli discipulus, vitæ san-  
ctitate, & charitate erga pauperes in  
primis mirificè præluxit. Vitalem &  
Valeriam coniuges, beatorum marty-  
rum Protasii & Gervasii parentes, a-

liosque ciues Mediolanenses senatorij  
ordinis baptizauit. In prædio Ca-  
siritiano cæmeterium, vbi martyres  
sepelirentur, dedicauit. Romam pro-  
fectus, euangelij prædicationem cum  
beato Clemente, cæterisque Aposto-  
lorum discipulis communicauit. De-  
mum fidei causã cum Clateo Brixie  
Episcopo multa perpessus, obiit in Do-  
mino, quinto Calendas Octobris, Se-  
dit annos x i i. Sepul. est in basilica S.  
Naboris.

4 S. Casiritianus Oldanus, Medio-  
lanensis, Basilicas tres, vnam Portia-  
nam, alteram Faustinianam, tertiam  
beati Ioannis Baptistæ ad Concham æ-  
dificauit. Calimerum græcum homi-  
nem, egregium christianæ pietatis cul-  
torem, benignè excepit, diuque aluit.  
Peregrinos, & pauperes fouit perpetuo.  
Ad Iesu Christi fidem Ecclesia  
Mediolanensis x i i. annos religiosè ad-  
ministrata, conuertit multitudinem  
innumerabilem. Vitæ sanctitate cla-  
rus; migravit ad Dominum Calen-  
dis Decembris. Eius corpus via Ro-

Ggg 2 mana

mana sepultum est in cœmeterio peregrinorum.

5 S. Calimerius Græcus, Romæ educatus in Romanorum Pontificum disciplina, a sancto Castritiano Basilicæ Faustinianæ clero adscriptus, post, Archiepiscopus creatus, non solum diocesim Mediolanensem, sed Liguriam omnem religione illustravit. Quo nomine accusatus, a fidei hostibus in Hadriani persecutione comprehensus, primò variè cruciatus, tum vulneribus confosus, denique certicibus gladio transuerberatus, præcepit in puteum deturbatus, martyrio coronatur Prid. Calend. Aug. Sedit annos LIII. sepelitur in cœmeterio Caij.

6 S. Monas Burrius, Mediolanensis, philosophiæ scientiæ præstans, & famulimoniam in primis nomine illustris, mirabiliter Archiepiscopus factus, patrimonium amplum ecclesiæ donavit. Mediolanum parochijs centum & quindecim distinxit. Ieiunijs, orationibus, & charitatè erga pauperes, ecclesiam sibi commissam decoravit: cui præfuit annos LIX. Eleuthero, deinde Victore, ac præterea Pontiano Pontifice; Obijt in Domino septimo, Cal. April. Vacavit diu Archiepiscopatus.

7 S. Mirocles, cuius Mediolanensis, beati Epiphanijs Episcopi Ticinensis propinquus, Romam a Melchiade Pontifice ad synodum euocatus, in illius consilio præclarè adfuit. Ecclesiam Mediolanensem eximie excoluit: in qua stans horis psallendi certam regulam præscripsit. Fuit virtutum episcopatum gloria valdè admodum ornatus, sed hospitalis maximè. Sedit annos XXI.

8 S. Protasius Algisus, Mediolanensis, beati Mirocletis discipulus, post illius obitum Archiepiscopus creatus, sedata persecutionum tempestate, mirabiles disciplinæ ecclesiasticæ progressus habuit. Sardiniam ad concilium venit. Epiphanium Papiæ episcopum de more consecrauit, Sedit ann. XI.

9 S. Maternus Mediolanensis, cum Mirocle Archiepiscopo presbyter, pro gloria Christi in Maximiani persecutione, vincula, carcerem, verbera, con-

stantissimè pertulit; alijsque; Carporum in primis & Fidelem ad martyrium confirmavit. Archiepiscopus deinde, sancti Victoris martyris corpus inuentum sepeliuit. Meliodorum Dertonæ Episcopum consecrauit. Sedit annos XV. Quiuit in Domino XI. Calend. August. sepult. est in Basil. sancti Naboris.

10 Orosius Mediolanensis, Suestro Pontif. vnà cum Nazaræo Lectore synodo Arelatensi IT. interfuit: vt in antiqua actorum ecclesiæ Mediolanen. monumenta relatum est.

11 S. Eustorgius L. Græcus, in Materni locum Archiepiscopus creatus, cum alijs ad pietatem insignibus monumentis ecclesiam Mediolanensem decorauit, tum sanctorum Magorum corpora, iam pridem à Parthis Constantinopolim asportata, inde Mediolanum mirabiliter transtulit. Sedit annos XIX. Siluestro Pont.

12 S. Dionysius Marianus, Mediolanensis, omni virtute, atq; adeo vitæ innocentia præstans, vt Apostolorum similis putaretur. Causæ beati Athanasij defensor, in concilio Mediolanensi à Constantio Imperatore arianæ sectæ studio damnatus, & in vltimam Cappadociam relegatus, ibi omni laude florens, fuit apud omnes in magno honore. Demum in exilio pro fide catholica variè afflictus, propiorum martyribus titulo spiritum Deo reddidit. Eius corpus Aurelius Ridianus vrbis episcopus Mediolanum ad sanctum Ambrosium transtulit. Sedit autem S. Dionysius ann. XI. Liberio, ac deinde Damaso Pont.

13 Iulius Mediolanensis, interfuit Iulio I. Pont. in synodo Romana: cuius actorum vestigia expressa extant.

14 S. Ambrosius, Ambrosij filius, Romanus, Ecclesiæ Doctor, corporis statura mediocri fuit, aspectu graui, & pulchro, naso paululum oblongo, capillis flauis, fronte lata, vnoque oculo supercilijs elato; animi autem virtutibus egregijs, vereque episcopalius floruit. Omni religionis catholice officio doctrinaq; ecclesiæ Dei profuit: atque ob eam causam eius nomen non latine solum, sed græcè, syrcque cele-

celebratum, vbiq; in omni ecclesia ma-  
gnum est. Præfuit verò ecclesiæ Med.  
annos XXIIX. Damaso, ac deinde Sici-  
cio, Pont.

15 S. Simplicianus Catanus, Medio-  
lanensis, genere, & morum pietate cla-  
rus, ab incunte ætate optimis studijs im-  
butus, doctrinæ & religionis præclara  
testimonia ab sanctis Ambrosio & Au-  
gustino accepit. Victorinum rheto-  
rem nobilem ab impura idolorum su-  
perstitione ad Iesu Christi fidem Ro-  
mæ conuertit. Concilij Carthaginen-  
sis legatos, a quibus de re graui consul-  
tus est, ad se missos benignè excepit.  
Gaudentium Nouariæ episcopum con-  
secrauit. Diuinorum officiorum, quæ  
sanctus Ambrosius instituerat, ritibus  
ecclesiam Mediolanensem auxit. Se-  
dit annos IIII. Anastasio Pontif. Ex hac  
vita cessit XIIX. Calend. Septembris  
Sepultus est in basilica beatæ Mariæ  
Virginis.

16 S. Venerius Oldradus, Mediola-  
nensis, sancti Chrysostomi græcarum  
literarum testimonio celebratus, ad  
quem etiam vsque ab Africa synodus  
Carthaginensis legatos misit, virtutum  
summarum, & sanctitatis multis mira-  
culis testificatæ laude clarus, ad præ-  
mium abiit in cælum IV. non. Maii. Se-  
dit ann. IX. Anastasio, & deinde Inno-  
centio I. Pont. Eius corpus sepultum est  
in basilica Apostolorum.

17 S. Marolus, Innocentii I. familia-  
ris, vir ieiunio vigiliisque deditus, in  
oratione, ac meditationibus frequens,  
quem Ennodius Ticini episcopus ver-  
sibus laudauit, declarata diuinitus eius  
sanctitate, præfuit vtiliter ecclesiæ Me-  
diolanensî, annos XV. Zosimo, deinde Bo-  
nifacio Pontif. Sepultus est in basilica  
Apostolorum.

18 S. Martinianus, de quo in Concilij  
œcumenici Ephesini acta relatum est,  
sanctissimus, Deoque charus Archie-  
piscopus, doctrinæ nomine illustris, a  
Gothis pro fide variè afflictus, ecclesiã  
Mediolanensem religione instruxit. Se-  
dit annos IIIV. Obijt in Domino IV. No-  
nis Ianuarij.

19 S. Clicerius Landrianus, Medio-  
lanensis, vitæ cœlestis studio deditus,

in assiduâque verbi Dei prædicatione  
versatus, ecclesiam sibi commissam, vs  
ceteri Archiepiscopi, qui antea reli-  
giosè præfuerant, sanctis institutis il-  
lustrauit. Vir fuit instar virginis vere-  
cundus, vultuque virgineo præ se tulit  
imaginem diuinarum suæ mentis co-  
gitationum. Sedit annos IIIIX. Obijt  
in Domino XXI. Calend. Octob. sepul. in  
basil. Apost. Archiepiscopatus diu va-  
cauit.

20 S. Lazarus Lazari filius, Boccar-  
dius, a Clicerio ecclesiæ Mediolanen-  
sis Primicerius creatus, post eius obitum  
Archiepiscopus, in summa Gothorum  
barbarie, clerum populumque commis-  
sum piè gubernauit. Litanias Tridua-  
nas, quæ Mediolani adhuc religioso cul-  
tu obseruantur, instituit. De eo sanctus  
Ennodius carmina confecit. Pridie Idi-  
bus Mart. quicuit in Domino, Leone  
I. Pontif. Sedit annos XI. sepul. in Basil.  
Apostolorum.

21 S. Eusebius Paganus, Mediolanen-  
sis, Ecclesiæ Ambrosianæ, quæ ob Go-  
thorum immanes excursiones diu yaca-  
uerat, instaurator vigilantissimus, ba-  
silicas barbara impietate euerfas resti-  
tuit, pollutas consecrauit: consecratio-  
nis celebritatem mensè Octobri die  
Dominico tertio agi instituit. Libros  
diuinorum officiorum belli incendio  
inflammatos rescindendos curauit. Cle-  
ri disciplinam ad religiosos mores re-  
uocauit. Synodum prouinciæ habuit.  
epistolam encyclicam ad sanctissimum  
Pontif. Leonem misit. Demum sancta-  
rum virtutum gloria nobilis, obdormi-  
uit in Domino pridie Id. Aug. Sedit an-  
nos XVII. Leone I. deinde Hilario, tum  
Simplicio Pont. sepul. in Basil. S. Lauren-  
martyris.

22 S. Geruntius, cuius Mediolanensis,  
Simplicio Pontifice VII. Cal. Ianuarij  
inuitus creatus Archiepiscopus, magna  
cum humilitate suscepit, & afflictissi-  
mis Insubiæ temporibus sanctissime  
gessit annos VI. Obijt in Domino IIII.  
Non. Maii. sepul. in Basilica sancti Sim-  
pliciani.

23 S. Benignus Bentius, Mediolanensis,  
Ennodij Ticinensis versibus celebratus,  
laude sanctitatis florens, Archiepisco-

patum religiosissime administravit annos vi. Quiuit in Domino xii. calend. Decembr. sepultus ad sanctum Simplicianum.

24 S. Senator Vilanius, Mediolanensis, presbyter, cuius in epistola ad Leonem Pontificem missa Eusebius Archiepiscopus meminit, Nonis Decembr. die festo S. Ambrosij Archiepiscopatus gubernationem suscepit. Vir præstanti ingenio, diuinarum literarum scientia, eloquentia, & episcopalis charitatis virtutibus egregie excultus, prophetis interpretandis diligentissimus, mirifica erga pauperes liberalitate usus, ad ecclesie Mediolanensis gubernacula sedidit ann. 17. Gelasio Pont. Obijt sancte in Domino 11. cal. Iun. sep. in basil. Sancti Euphemie.

25 Theodorus I. Medices, cuius Mediolanensis, Gelasio Pont. factus Archiepiscopus vi. Id. Septembris, vir optimus, & sapientissimus, cum clerum & populum vnice in Christo dilexit, tum valde beneficus erga egenos homines, parens pauperum vulgo vocatus est. Archiepiscopali autem munere pie perfunctus annos x. ex hac vita cessit 14. cal. Apr. Symmacho Pont. sepul. ad S. Hippolytum. Sunt de eo versus Ennodij.

26 Laurentius I. Litus, Mediolanensis, quem Symmachus Pont. eximie dilexit, & in synodo tertia, quarta, quintaque Romana summopere laudauit, vir scientia præcellens, & virtutum donis maximis excultus, clerum populumque Mediolanensem non minus docendo quam agendo instruxit ad optimam disciplinam. Admirabili quadam vitæ suæ gravitate deum deos cælestium animos tenuit: quamobrem cum omnes eum verebantur, tum nemo qui fugam fuit, qui vel in abditiſſimo loco scelus concepisset, quin illum quasi testem spectatoremque metueret. Sedidit annos viginti, eodem Symmacho, deinde Hormisda, ac post Ioannem I. Pont. Obijt 11. calend. Augusti, sepultus ad sanctum Hippolytum in martyrem.

27 S. Eustorgius II. Græcus, Ioannis Damasceni discipulus, cum Ioan-

ne Alexandrino Romam Gelasio Pont. profectus, a Felice I V. Archiepiscopus creatus, omni virtute, & pietate in primis præluxit. Florianum, qui deinceps sanctitatis laude clarus, episcopus ecclesie Hispalensis præfuit, ab vltima Pannonia profectum, domi excepit, baptizauit, diaconum instituit, literisque erudiuit. Augustæ urbis episcopum proditoris accusatum dignitate episcopali multauit. Oppida, & prædia, quæ in Sicilia præsertim ecclesia Mediolanensis habuit, egregie defendit. Baptistarium adificandum curauit: ad quod mirifico opere aquam per tectum templi deduxit Sedidit ann. 19. sepul. in basil. S. Laurentij.

28 S. Magnus Trincharius, Mediolanensis, Silucrio Pontifice Archiepiscopus factus, admiranda abstinentia, sanctitate, diuinaque miraculorum virtute eluxit; pie Archiepiscopali munere perfunctus annos 11. quiuit in Domino calend. Nouembr. sepul. in basilica Eustorgiana.

29 S. Dasius Aliatus, Mediolanensis, vir pietate in primis, & doctrina præcellens, Vigilio Pont. Archiepiscopus creatus, populum sibi commissum in summa annonæ caritate panico sustentauit. Corinthidomum a dæmonibus diuinitus liberauit. Concilio Constantinopolitano quinto interfuit. Annalium libros conscripsit. Ecclesiam Mediolanensem admirabili pietate gessit annos xxxi. Obijt in Domino x. calend. Febr. sepultus in basilica sancti Victoris.

30 Vitalis, cuius Mediolanensis, Ioanne III. Pont. creatus Archiepiscopus, quo tempore Longobardi rursus Italiae opus affluerant, in ea temporum perturbatione omnem vigilantiam suam in pastoralibus studiis atque officijs posuit diligentissime. Sedidit annos 17. Pont. eodem. Sepultus in æde S. Vitalis martyris.

31 S. Auxanus Cribellus, Mediolanensis, Ioanne III. Pont. Archiepiscopus factus, eam in omni re episcopalis muneris partes egit, tum prædicationis officio perfunctus est assidue annos duos: quibus ecclesiam sibi commissam gessit.

Quia

Obiit in Domino III. Non. Septembris sepult. in ecclesia Sancti Stephani ad Rotam.

32 S. Honoratus Castillionius, Mediolanensis, vir eloquentia, doctrina, & sanctitate clarus, & Benedicto I. Pontif. Archiepiscopus renunciatus, sapientia, consilio, optimaque institutione corroboravit ecclesie commissæ partes, Longobardorum barbarie debilitatas. Aquileiensi concilio præclare interfuit. Paulinum Aquileiæ episcopum consecrauit. Sedit annos vi. Obiit in Domino v. Idus Februar. sepult. in ecclesia Sancti Georgij mart. ad Noxetam.

33 Iustus Frontonius, Mediolanensis, vir nobilitate & potentia florens, per vim simoniacæque scelus Archiepiscopalem sedem vt sedissimè occupauit, ita iniquissimè administrauit annos x. Cuius sceleris poenam dedit nefaria morte.

34 Laurentius II. Frontone extincto Archiepiscopus creatus, Pelagio II. Pontif. Genuæ, vbi populus Mediolanensis, cum ob immanem exterarum gentium impietatem in patria esse non posset, magna ex parte domicilium constituerat, commoratus, Archiepiscopale munus rectè pieque gessit, & exemplo vitæ, & doctrina. Ecclesia Mediolanensis patrimonium, quod in Sicilia amplum habuit, præclare defendit: ob eamque rem Constantium diaconum Romam ad Gregorium Pont. misit. Obijt autem Genuæ.

35 Constantius, cuius Mediolanensis, Diaconus, cuius vitæ moreque in legatione Constantinopolitana Gregorio I. Pontif. benè cogniti erant, in vrbe Genua eius iussu Archiepiscopus & electus, & consecratus est. Pallio item ab eo donatus, & alijs singularibus beneficijs ornatus, archiepiscopalem dignitatem immani exterarum gentium incurfione afflictam ad pristinum gradum erexit. Omni autem laude præstans, nobilitatus est etiam literarum Gregorij Pontif. monumentis. Sedit annis vii.

36 Theodotus, Mediolanensis, Diaconus ecclesie Metropolitanæ, Cleri

suffragiis Archiepiscopus electus, a Papatone protonotario, cui Gregorius Pontifex rem delegarat, Genuæ in archiepiscopali dignitate confirmatus, Arianorum, quorum adhuc aliqua pars in Insubria reliqua erat, furorem impie exultantem repressit: ob eamque rem Pontifici Gregorio gratus & charus. Sedit annos xxi. Sabiniano, deinde Bonifacio III. & IV. post Deodato, tum Bonifacio V. Pontifice.

37 Asterius, Romanus, Honorio I. Pont. Archiepiscopus factus, Berinum ad Britanniam legatum a Pontifice missum illius iussu episcopum consecrauit. Munere archiepiscopali rectè perfunctus annos x. obiit Genuæ pridie Non. Iun. sepult. in æde s. Syri.

38 Phortius, quo tempore Ioannes Bergomi episcopus in provincia Mediolanensi sanctitatis in primis laude florens Arianorum impietatem retundere aggressus est, archiepiscopatum iniit: quem Genuæ tamen gessit annos tres.

39 S. Ioannes Bonus, Camillius, Genuens, Ioannis Bergomensis episcopi sanctissimi consuetudine coniunctus, archiepiscopus creatus, immani Barbarorum dominatu non deterritus, ab vrbe Genuæ, vbi aliqui archiepiscopi diu manserant, Mediolanum ad stationem sedemque Archiepiscopalem rediit: quam summa cum laude tenuit annos decem. Romam ad synodum Martino I. Pontif. venit: Arianos Bergamo depulit: in oppido Decio Ecclesiam sancti Materni consecrauit. Miraculorum laude clarus, obiit in Domino quarto idus Ianuarii.

40 S. Antoninus Fontana, Mediolanensis, viii. Cal. Iul. qui dies natalis est sancti Ioannis Baptistæ, Archiepiscopus consecratus, admiranda vitæ sanctitate, & pastoralis officii exemplis præluxit: in conuellendisque barbaris gentium exterarum, quæ iam pridem Mediolani domicilium constituerant, moribus euigilaui maximè. Sedit annos lii. Obijt in Domino pridie Calend. Decembr. sepult. in basil. S. Simeonici.

- 41 S. Mauricilius, maximarum virtutum nomine illustrius, a clero summa cōsensione Archiepiscopus electus, & a Pōtifice confirmatus, sedit men. 1 v. magna cum testificatione sanctitatis suæ. Obijt in Domino pridie cal. Apr. sepul. in Eccl. S. Satyri.
- 42 S. Ampelius, Domno Pontif. creatus Archiepiscopus, sedit annos quinque: Obijt in Domino v. 1. Idus Febr. Agathone Pontif. sepultus in basilica sancti Simpliciani. Eius sanctitatem, & dum archiepiscopatum gessit, & postquam ex hoc sæculo abiit, testatā Deus fecit miraculorum magnitudine, & multitudine.
- 43 S. Mansuetus Sabellus, Romanus, Agathone Pontifice Archiepiscopus factus, Ecclesiæ commissæ utiliter præfuit. Synodo Constantinopolitanae v. r. præclara eruditionis laude interfuit: episcoporum prouinciæ Concilium habuit, de cuius sententiâ epistolam, fidei, pietatis, doctrinæque plenam, contra monothelitas hæreticos ad Imperatorem scripsit. Sedit annos 1 x. Obijt x. 1. calend. Mar. sepul. in basilica sancti Ambrosij.
- 44 Benedictus Crispus, Mediolanensis, diuinis humanisque literis eruditissimus, & maximarum virtutum auctoritate grauissimus, atque ob eam rem tota Italia clarissimus, Ioanne V I. Pontif. Archiepiscopus declaratus, Sedit annos xlv 1. Templum sancti Benedicti in Porta Noua ædificauit: Ecclesiæ suæ ius mirifice defendit: causam contra episcopum Papiensem Romæ constanter egit. Demum miraculis clarus, quieuit in Domino v. Id. Mar. sepul. in basilica. S. Ambrosij.
- 45 Theodorus II. Gregorio III. Pontif. Archiepiscopus creatus; rituum eruditione præstans, Matutini officij mysteria, cæremoniaque more Ambrosiano solènes, libro singulari enucleatè per scripsit. sedit annos xvi. sepul. in Monasterio Horonæ, quod Horonâ soror exstruxerat.
- 46 S. Natalis, latinæ, græcæque ruditione valde præstans, & hebraicè doctus etiam, eximiusque catholicæ religionis cultor, Zacharia Pont. Archiepiscopo pa-

tum suscepit, & gessit vsque adeo religiosè, vt exantlatis multis pro fide laboribus, demum sanctitate clarus in Domino quieuerit 1 1. Id. Maij. sepul. in basil. S. Georgij, quam is ædificauit. sedit ann. 1. Men. 11.

47 Arifredus, Zacharia Pont. creatus Archiepiscopus, præfuit Ecclesiæ Mediolanensi Menses 1 x. sepul. in basil. S. Nazarij.

48 Stabilius, Stephano I I I. Archiepiscopus factus, sedit annos vndecim Mens. 1 x. Sepul. in Basilica sancti Ambrosij.

49 B. Letius Marcellinus, Mediolanensis, vir omni pietatis officio insignis, & admiranda in primis charitate erga pauperes, sedit ann. xvi v. men. xi. sepul. in Bas. S. Ambrosij.

50 Thomas Crassus, Mediolanensis, pietatis studio deditus, religionis causa Hierosolymam peregrinatus, inde reuersus, Hadriano Pont. Cal. Nouembris Archiepiscopus factus, Ambrosij officij libros, quos Carolus Magnus inflamaudos censuit, Eugenij episcopi studio mirifice defendit, Carolum Magnum Italiæ regem corona ferrea coronauit. Gloriam Pipini filiam Mediolani solenniter baptizauit. Sedit annos xx 1 x. Obijt Cal. Oct. Sepul. in Bas. S. Laurentij.

51 Oldobertus Marionius Eugubinus, dedit annos.

52 Petrus I. Crassus, Oldradus, Mediolanensis, Adriani Pontif. Secretarius, deinde Archiepiscopus factus, mox Legatus a Pontifice ad Carolum Magnum Imperat. venit: cui charus admodum fuit. Hæreticos maximè oppugnauit, ob eamque rem hæreticorum malleus vulgò vocitatus. Sermo-nes de sanctis scripsit, in quibus præcipuus est vnus de sancto Barnaba Apostolo & Episcopo Mediolani primo. Epistolas etiam per multas magnarum rerum pondere graues, & vnam præter cæteras ad Carolum Magnum de translatione corporis sancti Augustini. Bernardum Pipini filium, Italiæ regem coronauit. Sedit annos xxv 1 1. Obijt v 1 1. Id. Maij. Sepul. in Basilica sancti Ambrosij.

- 53 Alibertus Crassus, Mediolanensis, Stephano Quinto Pont. Cal. Octobris Archiepiscopus pronuntiatus, admirabili vigilantia præfuit annos 1x. men. vii. Obijt pridie Cal. Mart. Sepult. in Basilica S. Ambrosij.
- 54 Anselmus I. Billius, Mediolanensis, à Clero Archiepiscopus electus, & à Paschale Pontif. confirmatus, pauperes eximia charitate dilexit: Lotharium Ludouici Pij filium Italiz Regem in opido Modoetia coronauit: Ecclesiam commissam administrauit ann. v. Obijt v. Idus Maij. Sepultus ad Sanctum Ambrosium.
- 55 Bonus Castillionius, Mediolanensis, Paschale Pont. creatus Archiepiscopus, acerrimus iurisdictionis ecclesiasticæ defensor, sedit ann. 1v. Obijt 1x. Cal. Februarij. Sepultus in Basilica S. Ambrosij.
- 56 Angisbertus I. Mediolanensis, Gregorio I. Pont. Archiepiscopus factus, sancti Monæ Archiepiscopi corpus in Ecclesiam S. Michaelis ad Domum transtulit. Sedit ann. 1. menses 11. Obijt vii. Idus Septemb.
- 57 Angelbertus I. Pasterlius, Mediolanensis, Gregorio 1v. Pont. Archiepiscopus creatus, pauperum, viduarumq; pater; Ecclesiam etiam sibi commissam beneficijs & donis ornauit: altare in Basilica sancti Ambrosij cælato auro faciendum curauit: Synodum prouinciæ habuit: in qua beatorum martyrum Iouitæ & Faustini Cænobij, quod Rambertus Episcopus exædificarat, institutionem ratam habuit. Sedit ann. xxv. Obijt Idibus Decembris. Sepult. in Basilica S. Nazarij. Hoc tempore Mediolani multæ ecclesiæ ædificantur.
- 58 Tado, ingenio, & rerum diuinarum scientia præstans, ob eamq; rem sapiens, & à Nicolao I. Pontifice sanctissimus aliquando vocatus, Ecclesiam Mediolanensem gubernauit annos vii. menses vi. Obijt pridie Cal. Iunij. Sepultus in Basilica S. Ambrosij.
- 59 Anspertus Arbutius Confalonarius, Mediolanensis, Ecclesia Metropolitana Archidiaconus, à Clero Archiepiscopus electus, ab Adriano II. Pont. confirmatus, Carolum Caluum, Italiz Regem coronauit, & Carolum Crassum item. Sedit annos xii. menses v. Obijt vii. Idus Octob. Sepult. in Basilica S. Ambrosij.
- 60 Anselmus II. Captius, Mediolanensis, à Ioanne vii. Pont. à Gallia Romani redeunte Archiepiscopus incredibili cleri populiq; gaudio creatus, sedit annos xiv. Obijt 1v. Cal. Octob. sepult. in Basilica S. Ambrosij.
- 61 Landolphus I. Crassus, Mediolanensis, Benedicto 1v. Pont. creatus Archiepiscopus, sedit ann. 111. Obijt Nonas Nouembris, sepult. in Basilica sancti Ambrosij.
- 62 Andreas Lampugnans, Mediolanensis, die festo sancti Andree à Clero Archiepiscop. electus, mox à Leone v. Pont. confirmatus, sedit ann. vi. Obijt pridie Cal. Mart. sepult. in Basilica S. Ambrosij.
- 63 Atho Oldradus, Mediolanensis, Archiepiscopus, magna ciuium multitudine Sergium III. Pont. in Galliam deducit: inde Romam, vbi opem ei tulit ad Christophorum vrbe pellendum, qui pontificatum inuaserat. Is in Ecclesia Mediolanensi primo Sabbato Septembris vesperarum officium de cruce agi instituit, sedit ann. xii. men. vi. Obijt Romæ vii. Id. sepultus in Ecclesia SS. Bonifacij & Alexij in monte Auentino.
- 64 Garimbertus, Ioanne X. Pont. in sede Archiepiscopali collocatus, Alberico, qui in agro Piceno dominabatur, auxilio fuit ad Saracenos ex Apulia eijciendos, sedit annos 11.
- 65 Lambertus, vir solerti ingenio, summoq; consilio, Archiepiscopus Ioanne xi. Pontifice creatus, Rodolphum Papæ Regem acclamatum in summa Italiz dissensione coronauit: in Italiam de summi Pontificis sententia Hugonem Comitum Arelatensem accersuit. Burcardum Sueuorum Ducem, Rodulphi Regis socerum, legatum ad se missum benigne excepit. Genuensibus auxilium contra Saracenos misit. Sedit annos 1x. Obijt Calen. Iulij.
- 66 Hilduinus, Monachus, Gallus, Stephani IX. Pont. familiaris, Martino III. Pont.

Pontif. Archiepiscopus factus, Hugonem Ludouici III. filium Burgundiae Ducem, Italiae Regem in basilica Ambrosiana Mediolani coronauit. Sedit ann. VI. Obijt Cal. Aug.

67 Ardericus Corta, Mediolanensis, Agapeto II. Pontif. creatus Archiepiscopus, Berengarium Verona Mediolanum euocat: ubi pro Rege se gerere coepit. Ecclesiam sancti Andreae nomine admirum ruptum edificauit: sacellum S. Lini in Basilica S. Nazarij extruxit. Sedit ann. III. Obijt III. Idus Octob. Sep. in sacello S. Lini.

68 Alamanus Menclotius, Mediolanensis, Canonicus Ordinarius, cum Manasse Vgonis Imperatoris filio de Archiepiscopatu contendit: sed tandem uniuerso clero suffragante Archiepiscopus factus, sedit annos IV.

69 Valbertus Medices, Mediolanensis, Ioanne XI. Pontif. factus Archiepiscopus, Berengarij rabiem fugiens, ad Othonem I. Imperat. venit, cui promittit, si tyrannum extinxerit, se regni insignia traditurum. Episcoporum prouinciae Concilium de more euocat, de quo omnium qui frequentes aderant, sententia, regnum Berengario abrogat: Othonem autem, cui regnum detulerat, solenni iureiurando adstringit, se pro salute dignitateque Italiae patrimonium omne profuturum, nullumque periculum recusaturum: Othonem vero Mediolani in Basilica Ambrosiana ex promisso coronauit; eamque ob causam multa ab eo oppida dono accepit. Romanaeque synodo interfuit: in qua priori loco & confedit, & subscripsit, quam Archiepiscopus Rauennae. Sedit ann. XI. X. sepult. in Ecclesia Hyemali.

70 Arnulphus Bonitij Ducis filius, Subdiaconus S. Ecclesiae Mediolanensis, ab Othone Imperatore Archiepiscopus Clero reclamante electus, nomen, dignitatemque Comitibus tulit, iusque per Vicecomitem exercuit. Historiam sui temporis scripsit. Sedit annos III. I. sepultus in Ecclesia Hyemali.

71 Gotifredus, Benedicto VI. Pont. creatus Archiepiscopus, sedit annos V.

Obijt XXI. Cal. Octob. sepult. in Ecclesia Hyemali.

72 Landulphus II. Bonitij filius, Carcanus, Mediolanensis, non a Clero electus, sed patris artibus iuuante Imperatore Archiepiscopatum occupauit annos III. X. menses III. Obijt III. X. Cal. Octob. sepult. in Basilica S. Celsi.

73 Arnulphus II. Artiacus, vir pietatis nomine illustris, Gregorio V. Pont. Archiepiscopus creatus, Othonem III. Imperatorem corona ferrea donauit. Episcopum Astensem, qui ab officio erga sedem Metropolitanam descuerat, parere coegit. Cremonenses male multauit: in Laude Pompeia Concilium Prouinciale habuit. Constantinopolim profectus, serpentem aeneum, quem a Nicephoro Imperatore dono acceperat, Mediolanum asportandum curauit. Sedit annos XI. X. Obijt I. V. Cal. Martij.

74 Heribertus Gerardi Canturij filius, Antimianus, Mediolanensis, Benedicto IX. Pont. Archiepiscopus factus, Monasterium S. Dionysij edificauit, Ecclesiam S. Satiri in Porta Romana consecrauit. Corpus S. Monae Archiepiscopi Mediolanum in Ecclesiam beati Vitalis martyris transtulit. Episcopum Papiensem in Conuentu Roncaliensi crucem deponere iussit. Ambrosium Ecclesiae Mediolanensis Ordinarium, Episcopum Ciuitatis Laudensis instituit, Enricum Imperatorem Romanam deduxit, ut a Benedicto Pont. coronam acceperet. Sedit annos XXVI. Obijt XV. Cal. Februarij, sepultus in Basilica S. Dionysij.

75 Guido Valuasorius, Velatius, Ecclesiae Mediolanensis Canonicus Ordinarius, Enrici Imperatoris secretarius, in summa de Archiepiscopatu contentione ceteris competitoribus repulso Archiepiscopus creatus, Leonis IX. Pont. iussu Concilio Vercellensi contra Berengarium interfuit. Apud Fontanetum in agro Nouariensi synodum Prouinciae habuit. Sedit ann. XXVI. Obijt X. Calen. Decembris. Quo mortuo vacauit Ecclesia Mediolanensis annos tres.

76 Thealdus Castillionius, Mediolan-

- lanensis, Henrici Imperatoris opibus sus-  
sultus, Ecclesiam Mediolanensem inua-  
sit. Quam ob causam ad synodum à  
Gregorio VI. Pont. vocatus, cum ve-  
nire recusasset; primò sacris ordinibus  
interdictus, deinde; ac tertio publicè in  
Synodis Romanis grauis excommuni-  
cationis vinculo irretitus est. Obijt  
VI. Cal. Iulij. Sepultus Arona.
- 77 Anselmus III. Raudius, Medio-  
lanensis, Archiepiscopus creatus, ma-  
gnam classem exercitumque compara-  
uit, vt Babyloniam caperet: quò profe-  
ctus, multis commissis prælijs nihil pro-  
fecit. Mediolanumque inde reuersus,  
diem obiit pridie Nonas Decembris.  
Sepultus in Basilea S. Nazarij. Sedit  
annos VII. menses V.
- 78 Arnulphus III. Capitanus, Me-  
diolanensis, Urbano II. Pont. creatus  
Archiepiscopus, Ciuitati Mediolanensi  
auctor fuit, vt sex millia militum ad re-  
cupèrandam Hierosolymam mitteret.  
Vir fuit admiranda sanctitate: Mona-  
sterium S. Victoris ad corpus multis  
prædijs dotauit. Sedit ann. VII. menses  
IX. Obijt VII. Cal. Oct. Sep. in Mona-  
sterio Clauatenfi.
- 79 Anselmus I. Valuasorius, Luni-  
nius, Mediolanensis, fidei nomine in exi-  
lium pulsus, Constantinopolim venit:  
vbi obiit pridie Cal. Octobr. Sepultus  
in ea vrbe ad S. Nicolaum.
- 80 Chrysolas, Henrici I. Imper. opi-  
bus adiutus, Ecclesiam Mediolanensem  
occupauit, pulso inde Anselmo; eoque  
nomine apud Paschalem I. Pontif. ac-  
cusatus, Romam venit. Vir grecè, la-  
tineque eruditus, epistolas, conciones,  
aliaque industriae suæ monumenta reli-  
quit. Romæ obiit, sepultus in Ecclesia  
S. Sebastiani.
- 81 Iordanus Capitanus, Cluiose prius,  
Mediolanensis, Paschale II. Pontif. crea-  
tus Archiepiscopus, Synodum Prouin-  
ciale[m] habuit: in qua de Episcoporum  
decem & octo consensu multa statuit:  
Concillio Guastallo quod Pontifex ha-  
buit, præsens adfuit. Diem commemo-  
rationis mortuorum decreuit. Sedit  
annos VII. x. menses IX. Obijt pridie  
Nonas Octobris. Sepultus in Basilea  
S. Ambrosij.
- 82 Henricus Capitanus, Curtius, Vi-  
cedominus, & Archiepiscopus Ecclesie  
Mediolanensis, Gelasio II. Pont. factus  
Archiepiscopus, sedit ann. V. menses VI.  
Obijt I. V. Cal. Iunij.
- 83 Sanctus Bernardus Gallus, Abbas  
Clarauallensis, Henrico mortuo Ar-  
chiepiscopus electus, recusauit id mu-  
nus obire.
- 84 Anselmus V. Pusterlius, Mediola-  
nensis, Honorio I. I. Archiepiscopus  
creatus, in Germaniam Legatus mis-  
sus, inde rediens, Episcopi Astensis au-  
toritatem Metropolitanam despicien-  
tis audaciam fregit. Løtharium Imper.  
Mediolani excepit, coronaque ferrea  
donauit. Nouocomum obsedit, agrum  
vastauit, S. Bernardum hospitio sæ-  
penumero accepit: cuius causa Mona-  
sterium Clarauallense extra Portam  
Romanam ab Anselmo Archinto adifi-  
candum curauit. Sedit ann. IX. Obijt  
Romæ XXI. Cal. Septembris.
- 85 Roboldus I. Episcopus Albenfis,  
Innocentio II. Pontifex creatus Archie-  
piscopus, Mediolanensis auctor fuit,  
vt ij sacrorum communionem interditi,  
veniam à Pontifice peterent. Hospita-  
les ædes Brolij à Godofredo ciue ex-  
truendas curauit. Sedit annos X. men-  
ses V. Obijt III. Cal. Ianuarij. Sepul-  
tus in Basilea Hyemali.
- 86 Ubertus Pirouanius, Lucio II. Pon-  
tif. factus Archiepiscopus, Ecclesie Me-  
diolanensi præfuit, quo tempore Fede-  
ricus Imperator Mediolanum diripuit.  
Is summa prudentia vir, conuentum ha-  
buit de vrbe instauranda: sed rem non  
perfecit morte arreptus. Sedit ann. XV.  
Obijt Beneuenti. II. Cal. Martij.
- 87 S. Galdinus Valuasorius, Salen-  
sis, scientiæ, & sanctitatis laude clarus,  
primò Mediolanensis Ecclesie Archi-  
diaconus, deinde ab Alexandro III.  
Pontif. S. R. E. Presbyter Cardinalis  
Tit. S. Sabinte, postea Archiepiscopus,  
tum vniuersæ Gallie Cisalpinae Lega-  
tus creatus, Nonis Septembris Medio-  
lanum venit. Quam urbem à Fede-  
rico dirutam instaurauit: ædes Archie-  
piscopales restituit: Humiliatorum or-  
dinem ex auctoritate summi Pont. com-  
probauit: Papiensem Ciuitatem Eccle-  
siastico

Basilico interdicto affecti: Laudensibus Episcopum dedit. Mediolani de suggestu cum contra hereticos concionem haberet, obiit xlv. Cal. Maij, sepultus in Basilica Sanctæ Teclæ. Sedit annos x.

88. Algifus Pirouanius, Mediolanensis, primò Cymiliarca, deinde ab Alexandro III. Archiepiscopus factus, eo animi robore Ecclesiam, populumque commissum gubernauit, vt cum Federico Imperatore pugnam inire non dubitarit: quem suis copijs Deo iuante mirabiliter profligauit, die festo SS. Martyrum Sisinij, Martyrij, & Alexandri: quem propterea diem religiosum perpetuò coli ex decreto censuit; deinde Venetias ad Alexandrum Pont. inde Romam cum eo profectus, postea Mediolanum reuersus, obiit. Sepultus in Basilica hyemali. Sedit annos lxx. menses lxx.

89. Vbertus II. Cribellus, Mediolanensis, primùm Ecclesiæ maioris Archidiaconus, deinde Vercellarum Episcopus, post, Lucio III. Pont. Archiepiscopus factus, SS. Arantij & Antoniani corpora inuenit: Veronam ad Concilium venit: vbi Lucio mortuo, Pontifex renunciatus est in vigilia Natalis Domini.

90. Milo Candianus, Mediolanensis, primò Mediolani Archipresbyter, deinde Taurini Episcopus, post à Clemente III. Pont. Archiepiscopus Mediolani creatus, Henricum Imperat. vna cum Constantia corona ferrea decorauit. Sedit annos vii. men. lxx. sepultus in Basilica Hyemali.

91. Vbertus III. Tertiacus, Mediolanensis, Modoetiz Archipresbyter, Metropolitanæ Ecclesiæ Canonicus Ordinaris; S. R. E. Presbyter Cardinalis Titu. S. Stephani in Cælio monte ab Innocentio III. Pont. creatus, deinde Archiepiscopus, pacem inter Mediolanenses & Comenses conciliauit. Sedit annos lv. men. lxx. sepultus in Ecclesia hyemali.

92. Philippus Lampugnans, Mediolanensis, ab Innocentio III. Pont. Archiepiscopus creatus, ad quem illius epistolæ de Cancellaria Mediolanensi scri-

pta est, pacem inter Mediolanensem & Ticinensem populum iniit.

93. Vbertus I. Pirouanius, Mediolanensis, ab Innocentio III. Pont. Cardinalis creatus, deinde Archiepiscopus cum potestate Legati missus ad gerendam Ecclesiam Mediolanensem, Othonem I. Imperatorem in Basilica Ambrosiana coronauit. Sedit ann. lvi. men. lxx. obiit Mediolani, sepultus in Ecclesia hyemali.

94. Gerardus Reginus Sexius, primò Nauariz Episcopus, deinde ab Innocentio III. Pont. Archiepiscopus creatus, sedit tantùm menses vii. obiit Cremonæ.

95. Henricus Settarius, Mediolanensis, Basilicæ Metropolitanæ Cymiliarca, in maxima cleri disseffione ab Honorio III. creatus Archiepiscopus, pro fidei defensione in Palæstinam transfuit. Damiatæ expugnationi interfuit. Basilicam Eustorgianam fratribus ordinis Dominicani, alteram beatorum martyrum Naboris & Felicis Franciscanis attribuit. Ecclesiam Sancti Gothardi in monte Tremulo consecrauit. Episcopi Cremonensis contumaciam fregit: Ecclesiæ libertatem defendit. Hæreticos profligauit. Sedit annos xvi. menses x. obiit Mediolani: sepultus in Basilica martyrum Naboris & Felicis.

96. Gulielmus I. Rozolius, Mediolanensis, Basilicæ Metropolitanæ Archidiaconus, vir eruditus, & optimus, à Gregorio IX. Pontif. creatus Archiepiscopus, laicis Mediolani prædicationis munere interdixit. Ad Federicum II. Imperat. missus, iussu Pontificis cruce signatorum militum bellum contra Saracenos indixit. Sedit ann. x. men. v. obiit Mediolani. Sepultus in Ecclesia Monasterij Clarauallensis.

97. Leo Peregrinus, Mediolanensis, Frater Ordinis Franciscani, à Cælestino IV. Pont. Archiepiscopus factus, iurisdictionem Archiepiscopalem cum negligenter curaret, Turriani plebis consules eam sibi vsurparunt. In Vico Lignano ædes Archiepiscopales magnificè extruxit. Sedit annos xvi. men. vii. obiit xlii. Calen. Nouembris. Vacauit

uit Archiepiscopatus ann. iv. men. ix. dias vii.

98 Otho Magnus Vicecomes, Mediolanensis, in summa de Episcopo eligendo diffensione, Octavianus Cardinalis Sedis Apostolicæ Legati studio ab Urbano IV. Pont. Archiepiscopus factus, opibus, auctoritate, militumque copijs floruit, Iurisdictionem vrbs Mediolani à iure potestateque Archiepiscopi in fratris filios transfudit. Carmelitanos monachos Mediolanum introduxit. Concilio œcumenico Lugdunensi interfuit quod Gregorius IX. Pont. habuit. Concilium Prouinciale Mediolani ipse habuit. S. Agnetis sacellū in basilica maiori ædificauit, prædijsq; paternis dotauit. Prebendam Lectori Theologo decreuit. Bellum sacrum Mediolani a Magistro Ordinis Franciscani denunciari concessit. Sedit ann. xxxi. dies xli. obiit Mediolani 11. Idus August. sepult. in Ecclesia maiori.

99 Rufinus Friseticus, Lucensis, à Bonifacio 11. Pontif. creatus Archiepiscopus, sedit menses tantum x.

100 Franciscus Fontana Parmensis, primum Messanæ Archiepiscopus, in Ecclesia sibi commissæ statione sæculis repugnantibus cum inuigilare non posset, Ecclesia deinde Nolanæ administrator, deum Mediolani Archiepiscopus factus, Vicecomes ex vrbe Mediolano, ditio neq; depulit. Sedit ann. xli.

101 Caltonus, Turrianus, Mediolanensis, primò Aquileiæ Patriarcha, post Mediolani Archiepiscopus à Clemente V. Pont. factus, iurisdictionem Archiepiscopalem restituit. Synodum Prouincialem Mediolani habuit. Henricum Lucimburgium Imper. vi. corona ferrea die solenni Epiphaniæ coronauit. Sedit ann. ix.

102 F. Aicardus Camodianus, Nouariensis, Ordinis minorum Sancti Francisci Minister generalis 1x. à Ioanne xxii. Pontif. creatus Archiepiscopus, Mattheum Vicecomitem, filiosque iurisdictionem Ecclesiasticam occupantes excommunicauit. Multa ædificia extruxit. Mediolanensibus multa mala quæ euenerunt, concionando prædixit. Sedit annos xlv.

103 Ioannes II. Matthæi filius Vicecomes, Mediolanensis, primò Nouariæ Episcopus, deinde à Clemente VII. Pont. Archiepiscopus creatus, bellica potius laude, quam Ecclesiasticæ disciplinæ nomine illustris, totius penè Gallie Cisalpinæ Dominus, multa etiam oppida Ecclesiæ Romanæ per vim occupauit. Corporis Domini celebritatem solennem in Ecclesia Mediolanensi perpetuò agi decreuit, ritu solenni, & publica processione; quam ipse frequentissimam celebravit, factò concursu hominum centies millium. Sedit annos xxxi.

104 Robertus Vicecomes, Mediolanensis, Basilicæ Metropolitanæ Archiepiscopus, ab Innocentio VI. Pont. Archiepiscopus creatus, Carolum IV. Imperatorem hospitio Regali Mediolani accepit: & Modoetiæ in Basilica S. Ioannis Baptistæ Regem Longobardiæ coronauit. Sedit annos vii.

105 Gulielmus II. Pusterlius, Archiepiscopus Madoetiæ, deinde Patriarcha Constantinopolitanus, post ab Urbano V. creatus Archiepiscopus, sedit annos 1x. menses 1v.

106 Simon Borlanius, Mediolanensis, Iurisconsultus, Gregorij xi. Pont. familiaris, Presbyter Cardinalis Tit. SS. Ioannis & Pauli ab eo creatus, deinde Archiepiscopus Mediolani, ad Ecclesiam sibi commissam non venit, occupationibus Romanis distentus. Sedit annos vi. menses vi.

107 Antonius Princeps Salutarum, Subalpinas, à Gregorio XI. Archiepiscopus creatus, v. Idus Septembris ad Sedem Archiepiscopalem venit: in qua sedit annos xxv. dies 1x. Obiit Mediolani, sepultus in Ecclesia hyemali.

108 F. Petrus Philargus, Ordinis Minorum, in Crustianalis vico Diocesis Nouariensis natus, vir Græcis, & Latinis literis, Theologiæque scientia eruditus, Ioannis Mariæ Principis Mediolani à Consilijs, primum Vicentiæ, deinde Nouariæ Episcopus factus, postea Patriarcha Gradensis, mox Mediolani Archiepiscopus à Bonifacio IX. creatus, sedit annos vi. Deinceps ab Innocentio VII. prouinciatu Cardinalis:

Basi-

Basilicæ Apostolorum, demum in Concilio Pisano à Cardinalibus creatus Pont. nomen habuit Alexandri V.

109 Ioannes I I I. Vicecomes, Mediolanensis, Malatestæ Principis auxilio adiutus, Sedem Archiepiscopalem occupavit, pauloque post in Concilio Constantiensi Archiepiscopatu prius est. 110 Bartholomæus Caprius, Mediolanensis, à Ioanne XXI I I. Pont. Archiepiscopus creatus, Philippi Mariæ Ducis curator, Concilio Constantiensi interfuit: multas legationes obiit: Genavam urbem ex illius Reipublicæ Decreto administravit: Sigismundum Imperatorem Mediolani in Basilica Ambrosiana coronavit: Martinum V. Pont. è Concilio Constantiensi redeuntē hospitio augustissimo accepit. Sedit ann. XXI I. Obijt pridie Cal. Octobris.

111 Franciscus Piccolpassus, Bononiensis, Eugenij IV. Pont. familiaris, vir multis virtutibus florentissimus, Latine Doctus, sacra eruditione præditus, & pietatis studio ardens, cilicium perpetuo induit. Lit. ratos homines eximie dilexit: in quibus duos in intimis habuit, Philelphum, & Æneam Silvium, postea Pontificem Pium I I. Quem prius tum hominem Mediolani degentem, cuius quibusdam Mediolanensibus nobilitatis splendore illustribus, Præposituram Basilicæ Sancti Laurentij vacantem sibi dari petentibus, virtutis ergo anteposuit. Archiepiscopus autem Ecclesiam Mediolanensem sanctè administravit: & verò difficultates, quæ sibi in comunere importata erant, egregie superavit, constantis animi robore, & sanctitatis opinione, quam de se omnes conceperant. Sedit ann. XIX.

112 Henricus I I I. Scorus, Papiensis, primùm Episcopus Dertonensis, deinde Archiepiscopus Mediolanensis, ab Eugenio IV. Pontif. creatus, postea S. R. E. Cardinalis Tit. Sancti Clementis, populo Mediolanensi fame grauter laboranti magnam argenti vim donavit: seque ac familiam suam bonis omnibus spoliavit, quod liberalius Ecclesie sibi commissæ filijs subueniret. Sedit ann. IX. Obijt Romæ 17. Nonis

Iulij, sepultus in titulo S. Clementis.

113 Nicolaus Amidanus, Cremonensis, sapientissimus Iuriconsultus, primò Episcopus Placentiæ, Concilio Constantiensi interfuit: in quo Ioannē Hulfium ex patrum auctoritate gradu movit: deinde Archiepiscopus Mediolanensis factus, sedit ann. I.

114 Gabriel Sfortia, Francisci Sfortiæ Ducis frater, Mediolanensis, Ordinis Heremitarum S. Augustini, Theologiæ scientia eruditissimus, concionator clarissimus, à Nicolao V. Pont. creatus Archiepiscopus, Beatæ Mariæ Coronatæ Ecclesiam consecravit. Muneribusque alijs Archiepiscopalis rectè perfunctus, obiit Mediolani, sepultus in eadem Ecclesia, sedit ann. XI I I.

115 Carolus I. Foroliuensis, Abbas Sancti Celsi, à Calisto I I I. factus Archiepiscopus, Sedit annos 17. Obijt Mediolani, sepultus in Basilica Sancti Celsi.

116 Stephanus Nardinus, Foroliuensis, Referendarius Apostolicus, egregia virtute vir, à Pio I I. Pont. in Germaniam Internuncius missus, à Paulo I I. Mediolani Archiepiscopus factus, & à Xysto I V. Cardinalis S. R. E. Tit. Sanctæ Mariæ trans Tyberim, Collegium Nardinum Romæ instituit, in quo perpetuum Archiepiscopi ius esse voluit. Mediolani extra pomerium Portæ Tonæ ædes Archiepiscopales edificavit: in vico S. Pauli ad compitum certa quadam edificij forma domicilium paravit, ubi pro Archiepiscopali auctoritate iudicia exercerentur. Ecclesie Metropolitanæ aula, tabernaculumque magnifica, pallia, Ecclesiasticaque ornamenta, & mitram pretioso opere contextam, dono dedit. Solemnium Litzniarum triduanarum librum multis ante sæculis conscriptum, temporum incuria penè intermissum, restituit. Sedit annos XXI I I.

117 Ioannes I I I. Arcimbodus, Mediolanensis, vir iuris civilis, & Pontificij scientia præstans, sapientiæ, maximarumque virtutum ornamentis excultus, ob eamque rem Galeatio Mariæ Sfortiæ Duci gratus & charus, multis legationibus illius nomine perfunctus.

**A**ug. à Xysto I V. Pont. primùm Protonotarius Apostolicus, Nouariæq; Episcopus, deinde S. R. E. Cardinalis creatus, multis etiam Prouincijs Legatus præfuit. Postea ab Innocentio I IX. Pont. Mediolani Archiepiscopus creatus, Ecclesiam sibi commissam multis donis ornauit. Sedit ann. 111. menses 11x. dies XI. Obijt Romæ.

118 Guido Antonius Arcimboldius, Mediolanensis, Ioannis Cardinalis & Archiepiscopi frater, summarum virtutum splendore præluens, à Galeatio Maria amplissimis honoribus cohonoratus, pietatis cultor egregius, ab Innocentio I IX. Pontif. Archiepiscopus factus, curiam Archiepiscopalem, quam dono à Duce acceperat, vetustate propè collapsam magnis sumptibus renouauit: Basilicam Metropolitanam Sacerdotum numero auxit: eidem, & fabricæ magnam vim rerum pretiosarum moriens legauit. Sedit ann. 1x.

119 Octavianus Arcimboldius, Mediolanensis, egregius Iuriconsultus, Protonotarius Apostolicus, contradictarum Auditor, vtriusq; signaturæ referendarius, Archiepiscopus designatus.

120 Hyppolitus I. Alphonfi Ferrariæ Ducis frater, Estensis, S. R. E. Cardinalis S. Lucie ab Alexandro V. I. Pont. Archiepiscopus designatus, vir singulari prudentia, rerumq; gerendarum vsu præstans, Ecclesiam Mediolanensem administrauit ann. x111.

121 Hyppolitus I I. Alphonfi Ferrariæ Ducis filius, Estensis, à Leone X. Pont. Archiepiscopus designatus, post à Paulo I I I. Pont. S. R. E. Cardinalis pronunciatus, & à Pio I V. Pont. ad Gallo- rum Regé Legatus missus, Ecclesie Mediolan. præfuit, an. xxx111.

122 Ioannes Angelus Arcimboldus, Mediolanensis, à Clemente V I I. Pont. Nauariæ Episcopus, deinde à Iulio I I I. Pontif. Mediolani Archiepiscopus factus, sedit ann. v.

123 Philippus Archintus, Mediolanensis, Iuriconsultus clarissimus, rerumq; benè gestarum nomine illustris, primùm à Paulo I I I. Pont. Protonotarius Apostolicus, tum vrbs Præfectus creatus, postea Episcopus Biturgiæ, & Vicarius

vrbs Pontificius, inde ad Episcopatum Salutarum translatus, Bononiam ad Concilium venit. Vicarij autem Pontificij munus gressit Paulo I I I. Iulio I I I. Marcello I I. Paulo I V. Pontificibus. Demum ob virtutum merita, Archiepiscopus Mediolani à Paulo I V. creatus, Ecclesie Mediolanensi præfuit annos 11.

124 Carolus I I. Comitis Giberti, & Margaritæ, Pij I V. Pontificis sororis, filius, Borromæus, ab eodem Diaconus Cardinalis Sancti Martini in Montibus, deinde Præb. Cardinalis Tit. S. Præxedis, & Archiepiscopus v I. Idus Februar. ann. 1569. creatus, post vitam sanctissimè actam, maximosq; pro Ecclesia labores exantlatos, Obijt 111. Non. Nouemb. 1584. Eius vitam & res gestas Carolus à Basilica petri, Episcopus Nouariæ, qui ei intimè fuerat familiaris, inter alios conscripsit. Sedit annos xx111. men. v111. dies xxv. sepultus in Ecclesia maiori.

T A B V L A

Dierum Festorum, & Vigiliarum, in Synodo Diocesana quinta ex Decreto Concilij Prouincialis tertij confecta.

**D**ierum Festorum, qui vniuersè in vrbe Diocesiq; Mediolanensi coli, & vigiliarum item, quæ ieiunio abstinentiæ obseruari debent, Tabula, ordine in singulos menses disposita, ad cuius præscriptum vnusquisque Parochus illa & festa & ieiunia, quæ in singulas hebdomadas incidunt, die Dominico proximè antecedere Parochialibus suis de more denuncient.

Ianuarus.

Octaua Natalis Domini, seu Circumcisio, Calendis.

Epiphania Domini, die 6.

S. Antonij, die 17.

S. Sebastiani, die 20. Mediolani ex voto publico.

Februarius.

Purificatio beatis. Mariæ Virg. die 2.

S. Matthiæ Apostoli, die 7. [Vbi ritus Ambrosianus est.

Mar-